

Član 83.

USAGLAŠEN U IZMJENJENOM TEKSTU KAKO JE PREDLOŽENO

Sindikata se obavezuje da će u pismenoj formi obavjestiti nadležno ministarstvo pravde i ministarstvo obrazovanja o izboru ili imenovanju sindikalnog povjerenika i drugih sindikalnih predstavnika.

Član 84.

NEUSAGLAŠENO (SPAJAJU SE ČLANOVI 77, 78, 79 I 80. - Sindikat dostavio novi prijedlog)

- (1) Nadležni organ reprezentativnog sindikata može odlučiti da se određene funkcije u sindikatu na kantonalnom i federalnom nivou organiziranja mogu obavljati profesionalno.
- (2) Radniku koji je u radnom odnosu u srednjoj školi, nakon izbora na profesionalnu funkciju za predsjednika Kantonalnog odbora ili Glavnog odbora sindikata prava i obaveza iz radnog odnosa, na njegov zahtjev, miruju najduže četiri godine od dana izbora odnosno imenovanja.
- (3) Nakon isteka mandata radnika iz stava (1) ovog člana poslodavac ga je dužan vratiti na poslove koje je obavljao u srednjoj školi prije izbora na funkciju ili na poslove koji odgovaraju njegovoj stručnoj spremi.
- (4) Za vrijeme profesionalnog obavljanja funkcije u sindikatu, radniku pripada plaća u visini plaće koju bi imao da je radio na svom radnom mjestu koju u bruto iznosu isplaćuje Vlada Kantona na račun Kantonalnog odbora, a Vlada Federacije BiH na račun Glavnog odbora sindikata.
- (5) Vlada kantona će mjesečno isplaćivati bruto iznos plaće po zahtjevu reprezentativnih sindikata, koji na kantonalnom nivou imaju više od 500 članova,
- (6) Vlada Federacije BiH će mjesečno isplaćivati bruto iznos plaće po zahtjevu reprezentativnih sindikata na teritoriji Federacije BiH.

Član 85.

USAGLAŠEN U IZMJENJENOM TEKSTU KAKO JE PREDLOŽENO

Sindikalom povjerenicima definisanim čl. 79. ovog kolektivnog ugovora definisana su prava članom 103. Zakona o radu.

Član 86.

USAGLAŠEN U IZMJENJENOM TEKSTU KAKO JE PREDLOŽENO

Rukovodeći i upravni organi srednje škole dužni su blagovremeno obavjestiti sindikalnog povjerenika o sjednicama organa u srednjoj školi i omogućiti mu učešće bez prava odlučivanja na svim sjednicama, te razmotriti prijedloge i stavove **reprezentativnog** sindikata o pitanjima koja se raspravljaju.

Član 87.

DJELIMIČNO USAGLAŠEN U IZMJENJENOM TEKSTU KAKO JE PREDLOŽENO (OSIM STAVA 2.)

- (1) U srednjoj školi, sindikalni povjerenik ima pravo i obavezu:
 - sudjelovati u planiranju mjera za unapređivanje uslova rada;
 - biti informisan o promjenama bitnim za sigurnost i zdravlje radnika;
 - osposobljavati se i obrazovati za izvršavanje poslova vezanih za zaštitu na radu;
 - pozvati inspektora zaštite na radu kad za to postoje razlozi;
 - tražiti od poslodavca i radnika da poštuju mjere zaštite na radu;
 - biti konsultiran u pripremi i izradi radnog materijala, prednacrtu, nacrtu i prijedloga propisa i akata iz oblasti radno-pravnih odnosa radnika, i drugih akata od značaja za ekonomski i socijalni položaj radnika.
- (2) Ako sindikalni povjerenik prilikom obavljanja sindikalne dužnosti, te službenog puta u vezi s tom dužnosti, doživi povredu, takva povreda smatra se povredom na radu i sindikalni povjerenik u tom slučaju ostvaruje prava kao i radnik koji je doživio povredu na radu. NEUSAGLAŠEN

Član 88.

USAGLAŠEN U IZMJENJENOM TEKSTU KAKO JE PREDLOŽENO

Vlade kantona i njihova resorna ministarstva i Federalno ministarstvo obrazovanja i nauke konsultovat će reprezentativni sindikat prilikom izrade nacrtu i prijedloga zakona i drugih propisa i akata koji utječu na radno-pravni, socijalni, profesionalni i materijalni položaj radnika u srednjim školama i obrazovnoj djelatnosti, zatražiti prijedlog i mišljenje.

XIII - RJEŠAVANJE SPOROVA

Član 89.

USAGLAŠEN U IZMJENJENOM TEKSTU KAKO SLIJEDI

- (1) Kolektivne radne sporove, koji se nisu mogli riješiti pregovaranjem potpisnika ovog Kolektivnog ugovora, rješava mirovno vijeće u postupku mirenja u skladu sa Zakonom o radu i odgovarajućim propisima kantona.
- (2) Potpisnici ovog Kolektivnog ugovora koji su stranke u sporu, prijedlog mirovnog vijeća mogu prihvatiti ili odbiti, o čemu su dužne da u roku od 8 dana pismeno obavijeste jedna drugu.
- (3) Ako stranke u sporu prihvate prijedlog mirovnog vijeća, tada prijedlog ima pravnu snagu i djelovanje ovog Kolektivnog ugovora.

Član 90.

USAGLAŠEN U IZMJENJENOM TEKSTU KAKO SLIJEDI

- (1) Stranke u sporu mogu se sporazumjeti da rješavanje kolektivnog radnog spora povjere arbitraži na način kako je to regulisano Zakonom o radu.

- (2) Ako strane u sporu prihvate Arbitražu u smislu stava (1) ovog člana formira se arbitražno vijeće.
- (3) Svaka strana u sporu imenuje isti broj arbitara,
- (4) Strane u sporu, sporazumno biraju predsjednika Arbitražnog vijeća.
- (5) Predsjednika arbitražnog vijeće iz stava (4) ovog člana utvrđuju potpisnici Kolektivnog ugovora u roku od 30 dana od dana njegovog stupanja na snagu.
- (6) Potpisnici Kolektivnog ugovora će donijeti poslovnik o radu arbitražnog vijeća kojim će se bliže urediti način rada i finansiraja arbitražnog vijeća.

Član 91.

USAGLAŠEN U NEIZMJENJENOM TEKSTU KAKO SLIJEDI

- (1) Protiv arbitražne odluke žalba nije dozvoljena.
- (2) Odluka arbitražnog vijeća je konačna i ima pravnu snagu i **dejstvo** Kolektivnog ugovora.

XIV - ŠTRAJK

Član 92.

USAGLAŠEN U IZMJENJENOM TEKSTU KAKO SLIJEDI

Radnici u srednjim školama radi zaštite i ostvarivanja ekonomskih i socijalnih interesa, koja se ne mogu riješiti putem pregovora sa poslodavcima, niti drugim mjerama, na poziv sindikata ostvaruju pravo na štrajk pod uslovima i na način utvrđen Zakonom o štrajku.

Član 93.

USAGLAŠEN U IZMJENJENOM TEKSTU KAKO SLIJEDI

- (1) Radnik koji je učestvovao u štrajku, organizovanom u skladu sa Zakonom o štrajku i ovim Kolektivnim ugovorom ima pravo na nadoknadu njegove plaće za vrijeme provedeno u školi.
- (2) Nakon završetka štrajka Poslodavac je dužan uz sporazum sa sindikatom organizovati nadoknadu radnih sati provedenih u štrajku, a takav rad se nemože smatrati prekovremenim radom.
- (3) Niko ne smije prisiliti radnika da učestvuje u štrajku mimo njegove volje, niti se smije radnik staviti u nepovoljan položaj zbog učešća ili neučešća u štrajku.

Član 94.

USAGLAŠEN U NEIZMJENJENOM TEKSTU KAKO SLIJEDI

Zakonito organizovanje štrajka i učešće u štrajku u skladu sa zakonom i odredbama ovog Kolektivnog ugovora ne predstavlja povredu radne dužnosti.

Član 95.

USAGLAŠEN U IZMJENJENOM TEKSTU KAKO SLIJEDI

- (1) Poslovi koji predstavljaju minimum procesa rada u svim srednjim školama koji su učesnici u štrajku dužni obavljati za vrijeme trajanja štrajka pa do okončanja ili prekida štrajka su sljedeći:
1. pomoćnik direktora, sekretar, referent za plan i analizu, blagajnik i drugo administrativno osoblje rade hitne i neophodne poslove;
 2. tehničko osoblje (portiri, noćni čuvari, rukovaoci sistema centralnog grijanja) rade redovne poslove utvrđene pravilnikom o sistematizaciji poslova i radnih zadataka;
 3. radnici na održavanju čistoće, minimalno dva radnika i domar škole, rade redovne poslove predviđene za to radno mjesto;
 4. poslovi smještaja i prehrane učenika u učeničkim domovima vrše se redovno;
 5. nastavno osoblje i stručni saradnici rade administrativno-tehničke poslove, rade na sređivanju pedagoške dokumentacije, provode aktivnosti na individualnom i kolektivnom usavršavanju, provode konsultacije sa učenicima za izradu maturalnih radova te obavljaju individualni savjetodavni pedagoško psihološki rad sa učenicima;
 6. poslovi smještaja, nadzora i neophodne edukacije i rehabilitacije u školama za učenike s poteškoćama u razvoju;
 7. u okviru minimuma radnih zadataka za vrijeme trajanja štrajka zaposleni su dužni raditi u školi u vremenu od 08.00 do 14.00;
 8. u toku organizacije i provođenja štrajka, poslodavac je dužan da se pridržava odredaba Zakona o štrajku, Zakona o radu, Pravila Sindikata o štrajku.
 9. svi poslovi izvođenja nastave, ocjenjivanja i zaključivanja ocjena za učenike završnih razreda srednje škole ne mogu se prekidati.
- (2) Štrajkački odbori u srednjim školama dužni su poslove iz stava (1) ovog člana objaviti najkasnije na dan najave štrajka, odnosno najkasnije deset dana prije početka štrajka.

Član 96.

USAGLAŠEN U NEIZMJENJENOM TEKSTU KAKO SLIJEDI

Nadležni organ Sindikata, na prijedlog štrajkačkog odbora, donosi odluku o prekidu, odnosno završetku štrajka.

XV - PRELAZNE I ZAVRŠNE ODREDBE

Član 97.

USAGLAŠEN U TEKSTU KAKO SLIJEDI

- (1) Ovaj Kolektivni ugovor smatra se zaključenim kada ga potpišu ovlašteni predstavnici ugovornih strana.
- (2) Ovaj Kolektivni ugovor, nakon zaključivanja, objavit će se u prvom narednom broju Službenih novina Federacije BiH.

Član 98.

DJELIMIČNO USAGLAŠEN U IZMJENJENOM TEKSTU (OSIM STAVA 1)

- (1) Ovaj Kolektivni ugovor zaključuje se na period od jedne godine. NEUSAGLAŠENO
- (2) Nakon isteka roka iz stava (1) ovog člana, Kolektivni ugovor će se primjenjivati najduže 90 dana. USAGLAŠENO
- (3) Kolektivni ugovor se može produžiti sporazumom strana koje su ga zaključile najkasnije 30 dana prije isteka važenja tog ugovora. (USAGLAŠENO)

Član 99.

USKLADITI SA PREAMBULOM - VRATITI SE NAKNADNO

- (1) Ovom Kolektivnom ugovoru mogu pristupiti kao potpisnici ugovora ovlašteni predstavnici vlade kantona, odnosno ministarstva za obrazovanje i sindikata određenog kantona.
- (2) Ovom Kolektivnom ugovoru mogu pristupiti kao potpisnici ugovora putem svojih ovlaštenih predstavnika i druge srednje škole koje nisu javne ustanove.

Član 100.

USAGLAŠEN U NEIZMJENJENOM TEKSTU KAKO SLIJEDI

- (1) Za tumačenje odredaba i praćenje primjene ovog Kolektivnog ugovora potpisnici ugovora u roku od 30 dana od stupanja na snagu ovog Kolektivnog ugovora imenovat će zajedničku komisiju koja je stavljena od po dva predstavnika potpisnika Kolektivnog ugovora.
- (2) Komisija iz stava (1) ovog člana, obavezna je dati tumačenje odredaba ovog ugovora u roku od 30 dana od dana prijema zahtjeva.
- (3) Potpisnici Kolektivnog ugovora će donijeti Poslovnik o radu Komisije kojim će se bliže urediti način rada i finansiranja Komisije.

Član 101.

USAGLAŠEN U IZMJENJENOM TEKSTU KAKO SLIJEDI

- (1) Svaka ugovorna strana može predložiti izmjene i dopune ovog Kolektivnog ugovora najkasnije do 60 dana prije njegovog isteka.
- (2) Ukoliko se promijene okolnosti koje nisu postojale niti bile poznate u trenutku zaključivanja ovog Kolektivnog ugovora, zbog kojih se odredbe ovog ugovora ne bi mogle primijeniti ili bi njihova primjena bila znatno otežana, ugovorne strane su saglasne da neće jednostrano raskinuti ili prekršiti odredbe ovog Kolektivnog ugovora, nego će drugoj strani predložiti izmjene ili dopune.
- (3) Inicijativa za izmjenu i dopunu ovog Kolektivnog ugovora podnosi se u pismenoj formi, a strana kojoj je upućena inicijativa dužna je odgovoriti odnosno izjasniti se o tome, u roku od 15 dana od dana prijema inicijative.

- (4) Strana koja je pokrenula izmjene i dopune kolektivnog ugovora uz inicijativu dostavlja i prijedlog izmjena i dopuna Kolektivnog ugovora.
- (5) Izmjene i dopune ovog Kolektivnog ugovora vrše se na način na koji je i donesen.
- (6) Svaka ugovorna strana može otkazati ovaj Kolektivni ugovor samo ako druga strana ne prihvati proces pregovaranja izmjena i dopuna Kolektivnog ugovora.

Član 102.

USAGLAŠEN U NEIZMJENJENOM TEKSTU KAKO SLIJEDI

- (1) Nadzor nad primjenom ovog Kolektivnog ugovora obavlja inspektor rada.
- (2) Radnik, sindikat i poslodavac mogu zahtijevati od inspektora rada provođenje inspeksijskog nadzora.

Član 103.

USAGLAŠEN U NEIZMJENJENOM TEKSTU KAKO SLIJEDI

Srednje škole dužne su uskladiti pravilnike o radu i druga opća akta sa ovim Kolektivnim ugovorom u roku od 60 dana od dana stupanja na snagu ovog Kolektivnog ugovora.

Član 104.

USAGLAŠEN U IZMJENJENOM TEKSTU KAKO SLIJEDI (prepisan stav iz ZOR)

Zaključeni kolektivni ugovor, te njegove izmjene i dopune, za teritoriju Federacije ili područje dva ili više kantona dostavljaju se federalnom ministarstvu nadležnom za rad, a svi ostali kolektivni ugovori dostavljaju se nadležnom organu kantona.

Član 105.

USAGLAŠEN U NEIZMJENJENOM TEKSTU KAKO SLIJEDI

Ovaj Kolektivni ugovor stupa na snagu danom objavljivanja u "Službenim novinama Federacije BiH".